

A guate Brotzeit und a Schöppla Frankawei

A guate Brotzeit und a Schöppla Frankawei
Des muß der Herrgott erschaffn ho im Mai
Ar hat im sou` a laua Maienacht
mal sicher drüber nachgedacht
was ar dann Mensehn nu kann tua
dess ihm gibt a guate Ruha
Ihn sou seelig eischlaft läßt
Daß ar sei Sörgn und sei Leid vergäst
Und daß bloß von der Lieb allee
Der Mensch da trunt nit kann besteh
Ar hat gefühlt, daß da nu was fahlt
Auf dard dunkla kalta Walt.
Des kann doch gear nix anersch sei
als a guate Brotzeit und a Schöppla Frankenwei.

Blagt di mal Trübsal Zorn und Hader
sicht überall an schwarzen Kater
läßt alles wieder mal verkehrt
und findst die Walt rein ganz verdreht
dann suchst du nach an Beruhigungsmittel
in alla Tasehn und alla Kittl
Dabei hast doch es best dahem
im Schrank und in dein Kaller stehn
Was mehnt ihr kann es anners sein
als a guate Brotzeit und a Schöppla Frankenwei

Hebst du dei Mädla fest im Arm
Und wördst dir um dei Harz sou warm
dann fahlt dazu was mag des sei
Es fahlt dazu dei Schöppla Wei
Des bringt dann die Zufriedenheit
A Stimmung und Glückseeligkeit
Vergißt dabei mal all dei Sörgn
Denkst nit a heut und nit a Morgen
läßt die Arbet - Arbet sei
bei a guate Brotzeit und a Schöppla Frankenwei

Hast du an weita Wach vor dir
und denkst es geht fast nix mehr schier
töen die dei Bee scho nix mehr trög
und schlörfst bloß nu vor Müh und Pläg
dann setz die ruhig am Wagrand hie
leig dei Breatzeitbündl auf die Knie
Schenk dir dazu ei a Schöppla Wei
Scho it dei Müdigkeit vorbei
Guek dann amal nach obn emper
wu die Sun grot spitzt hervor
Vergass dabei dein Hergott nit
und töen na immer racht schöa bitt
daß ar die Sunn immer schöa lass schei
daß wieder wegst a guater Wei.

Sitzt du in lauer Nacht a wengle
verträumt und still draus auf dein Bengla
mögst bloß nu emal sou jung sei
wie vor verzig Jahr im Mai
Wu dir nu kalt wern it und warm
als du dei Mädla kot im Arm
Mergst, daß vorbei dei Jugendsehna
und denkst jetzt bleibt mir bloß des ehna
A guate Breatzeit und a Schöppla Frankenwei
Dess müst jetzt der Himmel auf Ardn sei.

Und kummt amal für mich dar Tech
wu ich der Walt auf Wiedersehn soch
Mei Breatzeit und mein Frankenwei
hob i für alla Fäll dabei
Und steh i dann vorm Himmelster
Und müßt i racht lang wart davor
Da mach i mir scho gar nix drauss
I back halt dann mei Bündl aus
Mei Assn hob i ja dabei
Mei Breatzeit und mei Schöppla Frankawei

